

## «Womenomics» 2014 – lavuratori per dunnas da fatschenta

Cuira, ils 27 d'avust 2014 – Suentar in'entschatta reussida avant in onn ha già lieu ier per la segunda giada l'occurrenza comunabla da l'Associaziun dunnas da fatschenta Svizra e la Banca Chantunala Grischuna (BCG) a Cuira. In podium suenter dus referats curts interessants ha dà la chaschun da discutir a moda cuntraversa davart la qualificaziun da dunnas per posiziuns da cader.

Grazia a cumpetenzas professiunalas ed ideas cleras s'avanzan dunnas adina pli fitg en posiziuns ch'eran fin ussa reservadas ad umens. Ozendi han dunnas uschè bunas schanzas da far carriera sco anc mai. E tuttina: a la testa da fatschentas dominantas èn mo paucas dunnas. L'occurrenza comunabla da la Banca Chantunala Grischuna e l'Associaziun dunnas da fatschenta Svizra vul motivar dunnas da prender a mauns sfidas al plaz da lavur e trair a niz cumpletmain pussaivladads professiunalas.

### Nizzegiar meglier il potenzial da dunnas da cader

Klaus J. Stöhlker e dr. Mirjam Staub-Bisang han fatg valair a l'occurrenza puncts da vista cuntravers areguard la qualificaziun da dunnas sco scheffas. Fertant ch'il cusseglader da PR ha polarisà cun discurrer da «dunnas exemplaricas e dunnas per il star bain» en posiziuns da schef, vesa l'interprendidra ambiziusa bler potenzial feminin sin il plaun da cader che pudess vegnir tratg a niz meglier.

En ina discussiun al podium han represchentantas e represchentants da la comunicaziun, l'economia e las medias già la chaschun da dilucidar quest tema da differentas perspectivas. La part uffiziala da l'occurrenza è ida a fin cun in sguard retrospectiv da Clivia Koch, la presidenta da l'Associaziun dunnas da fatschenta Svizra.

### A dumondas en connex cun l'occurrenza As respunda gugent:

- Thomas Roth, commember da la direenziun da la BCG | +41 81 256 94 60
- Clivia Koch, presidenta da l'Associaziun dunnas da fatschenta Svizra | +41 61 275 24 42

#### Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universal moderna – per personas privatas, l'economia ed il maun public. La banca occupa 1'071 collavuraturas e collavuratur (stadi dals 30-06-2014). En il chantun Grischun cun sias numerusas vals e pliras linguas, è l'interpresa represchentada cun 65 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA ed a la Private Client Bank SA a Turitg. En il rendaquint semestril preschenta ella cun ina summa da bilantscha da CHF 20,236 milliardas in gudogn brut consolidà da CHF 109,2 milliuns. Il scrit da participaziun BCG è quotà a la bursa dapi ils 10 da settember 1985.

#### Termins

Quint annual 2014:	6 da favrer 2015
Radunanza dals participants:	28 da mars 2015